



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՊԵՏ

Ո Ր Ո Շ ՈՒ Մ N 410 -Ա

« 18 » ԴԵԿՏԵՄԲԵՐԻ 2024Թ

«ԵՂԵԳՆԱՁՈՐԻ ՊՈԼԻԿԼԻՆԻԿԱ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԿԱՆՈՆԱԴՐՈՒԹՅԱՆ ՓՈՓՈԽՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տարածքային կառավարման մասին» օրենքի 5-րդ հոդվածի 3-րդ մասով, 14-րդ հոդվածի 1-ին մասի 2-րդ կետով, «Բաժնետիրական ընկերությունների մասին» օրենքի 67-րդ հոդվածի 1-ին մասի 1-ին կետով և հիմք ընդունելով ՀՀ կառավարության 2006 թվականի նոյեմբերի 2-ի թիվ 1911-Ն որոշմամբ հաստատված 10-րդ հավելվածի «I. Եղեգնաձորի տարածաշրջան» բաժնի 10-րդ կետը՝

Ո Ր Ո Շ ՈՒ Մ Ե Մ

1. «Եղեգնաձորի պոլիկլինիկա» փակ բաժնետիրական ընկերության կանոնադրության 1.1-ին կետի, 9-րդ պարբերությունից հետո ավելացնել հետևյալ պարբերությունը.

«Եղեգնաձորի պոլիկլինիկա» փակ բաժնետիրական ընկերությունը հանդիսանում է «Հոիփսիմե գյուղական բժշկական ամբուլատորիա» փակ բաժնետիրական ընկերության (պետական գրանցման համար՝ 65.210.869817), «Աղավնաձորի առողջության առաջնային պահպանման կենտրոն» փակ բաժնետիրական ընկերության (պետական գրանցման համար՝ 65.120.1397382), «Արենիի առողջության առաջնային պահպանման կենտրոն» փակ բաժնետիրական ընկերության (պետական գրանցման համար՝ 65.120.1405619), «Մալիշկայի առողջության առաջնային պահպանման կենտրոն» փակ բաժնետիրական ընկերության (պետական գրանցման համար՝ 65.120.1403111) իրավահաջորդը՝ փոխանցման ակտին համապատասխան (միացում):

2. «Եղեգնաձորի պոլիկլինիկա» փակ բաժնետիրական ընկերության կանոնադրության 4.1-ին կետը շարադրել հետևյալ նոր խմբագրությամբ.

«4.1. Ընկերության կանոնադրական կապիտալը կազմում է 103 000 000 (մեկ հարյուր երեք միլիոն) ՀՀ դրամ, որը կազմում է 515 (հինգ հարյուր տասնհինգ) հատ սովորական անվանական բաժնետոմս, 1 բաժնետոմսի անվանական արժեքը կազմում է 200 000 (երկու հարյուր հազար) ՀՀ դրամ:


Բոլոր 515 (հինգ հարյուր տասնհինգ) հատ սովորական բաժնետոմսերը տեղաբաշխված են և պատկանում են հիմնադրին՝ Հայաստանի Հանրապետությանը:»:

3. Հաստատել «Եղեգնաձորի պոլիկլինիկա» ՓԲԸ-ի կանոնադրության փոփոխությունը:

4. Ընկերության տնօրեն Կ. Ասատրյանին՝ երկշաբաթյա ժամկետում օրենքով սահմանված կարգով անհրաժեշտ փաստաթղթերը ներկայացնել Հայաստանի Հանրապետության արդարադատության նախարարության իրավաբանական անձանց պետական ռեգիստրի գործակալություն՝ կատարված փոփոխության պետական գրանցման համար:

5. Սույն որոշման կատարման հսկողությունը վերապահել մարզպետի աշխատակազմի առողջապահության և սոցիալական ոլորտի հարցերի վարչությանը:

Սույն փոփոխությունը հանդիսանում է «Եղեգնաձորի պոլիկլինիկա» փակ բաժնետիրական ընկերության 17.05.2024թ. գրանցված կանոնադրության անբաժանելի մասը:

 Recoverable Signature

X

0284 12 78 161311 0001-44
Հանրապետական ԲՆԿԻՆՆԵՐԻ ԿԵՆՏՐՈՆ



Signed by: KOLYA MIKAELYAN 3507670100

Կ. ՄԻՔԱԵԼՅԱՆ

ք.Եղեգնաձոր